

文苑英華卷第九百一

碑五十八

職官九

東宮
官二

太子少傅竇希城碑一首

贈太子太保伊慎碑一首

太子少保常君碑一首

太子少傅竇希城神道碑

李堪然



若夫懸象著明保傳繫三台之位厚德載物公侯分五嶽
之尊環耀魄而布陰陽佐林蒸而平水土斯所以寅亮天
地寧濟寰區自匪氣稟英靈藝兼文武發揮成務之本模
楷且察之德則何以弼諧邦教調護元良粵惟慕懿前修
追蹤上哲摠淳粹以秀出偶會昌而挺生賢戚載彰寵光

崇貴者其在我司空函國公乎公諱希城字美玉扶風平
陵人也昭成皇太后之介弟開元神武皇帝之元舅即隋
工部侍郎左右武侯大將軍納言司空上柱國陳國公抗
之曾孫皇朝駙馬都尉工部禮部二尚書右領軍大將軍
殿中光祿大夫上柱國華國公誕之孫太常卿潤州刺史
贈太尉荊州大都督上柱國函國公孝謹之元子也而自
祥生石紐祚啓金刀盛葉與塗山北崇長發將觀津方永
文昭武穆帝載矢之於典謨累將重侯后族布在於方冊
故得國華人傑躡振古以騰芳服冕乘軒迄昌辰而益茂
莫不歌鍾繼響喧喧連北里之音卽館相望諠諠並東都
之盛歷代之所推挹豈可一二談哉公鼎仙標華公門孕

秀一作仰庇軒星之曜傍通開氣之英天生仁智之姿

用溫恭之性弱齡志尚卓爾多奇阮瑀之朗朗無雙黃憲
之汪汪不測豈可同年而語也年十有五補修文館學生
鼓篋上庠橫經太學中年考檢我大成屬穹昊降災高
宗厭代白雲方馭攀鳳駕而無追素幘爲郎翊龍輜而暫
往旣調授潞州參軍尋遷常州司兵參軍事上黨關山毗
陵郡邑旣承君子之命又參從事之班夫惟濫觴蓋茲而
始秩滿入拜安國相王府功曹參軍久之遷爲屬時睿宗
之藩潛龍德在田徠嶽尚啓累接曳裾之侶屬陪飛蓋之
遊樂善載歡承恩莫二唐景雲元年睿宗登極加朝散大
夫除殿中尚食奉御黃金燕錫朱紱增榮調九沸於宸羞

薦八珍於帝膳景龍元年又遷為太府少卿兼知尚食事
 司祭藏之珍書奉雲天之宴樂幾承恩獎增峻寵章二年
 加銀青光祿大夫殿中監乘輿服物御府斯殷纂慎日宣
 瓜牙允寄曾未踰朔又拜左右千牛衛將軍而帝謂公曰
 朕昔在藩嘗居此職而其宿衛親近今故授卿其承寵私
 有若是也衛鈞陳於北極應上將於南蕃榮冠等夷地兼
 勲戚雖古之位踰九卿班同三府者亦無以方焉先天元
 年遷金紫光祿大夫右散騎常侍兼檢校光祿卿無何又
 正除光祿侍中同掌印珥一作貂蟬即中改名攸司殿掖
 豈有高堂擅青龍之疏張湛推白馬之名兼而有之不其
 榮矣開元二年遷太子少傅襲爵幽國公加賜食實封二

百戶以六行之姿翼千鈞之務琢磨光乎玉裕輔導整於
 銅樓有華廡之清簡富匡衡之法義庶常儀刑八一作帝座
 通籍二宮福履有綏降年惟末而過隙之影背閭闔以言
 旋但閱川之波辭少海而無返開元五年歲在丁巳冬十
 月丁巳朔十六日甲戌景暴薨於東都章善里之私第春秋
 五十有四嗚呼哀哉慟感宸旒有切渭陽之念哀纏士庶
 逾深鄭國之悲粵翌日聖上舉哀於洛城南門輟朝三日
 贈司空荊州大都督賻八百段米粟八百石及東園秘器
 凶事葬事官給務令優厚仍令將作大匠常湊充使監護
 河南少尹秦守一為副鴻臚少卿李顥持節齎書弔祭
 儀仗送至墓所并為立碑發引之日令工部尚書劉知柔

祖祭有司考行謚曰某禮也渥命優洽事越彛典惟公降
靈純嘏稟秀中原風範自高衣冠甚偉雖地稱金穴外家
之罷龍克崇位翊瑤山儲輔之尊斯在而謙以約已德以潤
身九列重其章明百寮仰其忠儉夫所謂貴而不驕志明
而晦者無廼踰於公乎名命雖臨濛濛莫駐佳城鬱鬱遽
開京兆之阡詔葬紛紛即赴畢原一作之路旌旒飛翻而
笳鼓噓恩容衛動而行路悲嗣子朝散大夫行太子典設
郎鍊坎子太子內直郎鋼等銜恤哀毀退一作而不及粵
以開元六年夏四月九日癸酉歸塋於京兆咸陽縣洪濱
川之北原八水分流五陵交對星辰照爛於東井烟景密
適於西岳龜言筮告此地攸安萬古千春德音何託惟披

文與相質恪奉絲綸異地久而天長未昭徽範下才不敏
敢述銘曰

昭昭茂族赫赫崇庸石紐疏系金刀建封軒星代稟間氣
時鍾鳴陰必嗣嘯谷相從越洎我公秉心貞吉肇遊庠序

歷代登天秩東郡勞人西都賦質龍飛偶運鵬圖匪日絲綸
駉委章綏增榮旣典六尚俄昇九卿鈎陳任切武衛資英

左右惟允於斯作程獻替嘉猷載司光祿琢磨儲範方調
鼎鍊懜矣神心宜哉一作倚伏曾不遐壽奄焉薨覆帝念

元舅情深渭陽輟朝興慟詔葬哀傷亟峻典禮逾崇寵章
鼎門南出畢陌西長旒引輶軒笳隨魂輅容衛哀咽山川
廻互秦塞從指漢原已慕紀盛烈於豐碑庶有旌於武庫

故光祿大夫檢校尚書右僕射兼右衛將軍南充
郡王賜太子太保伊公神道碑 權德輿

昔伊尹相湯伊陟相太戊咸有一德格于上帝其後伊籍
以敏辯仕蜀為將軍伊馥以勇力佐魏為司空曠遼集作僚

綿代復續休緒者曰南充郡王諱慎字寡悔剛毅勇悍鷹
揚鶚立勞勤四朝終始一心涉覽春秋戰國策太史天官

五行之書用善射中正集無正字鵠補廣州綏南府折衝都尉

丁太夫人之集無此字憂以毀瘠聞初公之孤也幼不知先子

之殯將祔二尊日號于天竟交神選勝蠻誠感壤而樹之

率禮無違大曆中嶺南裨將哥舒晃盜殺其帥呂崇集作崇

賁以亂竊據府中南方蕭然江西連師路嗣恭承詔出師

將孟瑄暨公討之集作以討公以水陸士徒分道鼓行晃之

謀主蘇渙騎將王明悅鴟張蟻聚背據阨害公曰寇不可

翫勝無幸焉毒之酒集作首腊盡在是矣疾力作集作交梓必

亟吾中乃春其喉而潰其腹斬首三千級下韶州其明年

戰于把江口水道湍悍戈船赳赳公浮筏宜新迎風縱焰

寇之焦沒於水火者終夕有聲又明年軍于濬集作滑口于

端州戰集無戰字于潮陽次于交廣集作廣州冬十月斬晃渙于淇

溪揭其首以徇幕府上功拜連州長史授撫馭江三州別

駕建中初德宗訓齊萬方端正百度以梁崇義有阻江漢

未嘗會朝詔東諸侯分道問罪公實領江西偏師歸集無此字

而統于希烈希烈以牒書署公漢南漢北兵馬使公明置

集作 牢讓獨率所部兵大破翟輝於蠻水俘徒三萬以至

于斬崇義平江漢厥功居多希烈愛公愈深而公懼之愈

切一旦决與數騎遁歸既而希烈以急上無集變聞且略

公以堅甲善馬為之反間密詔嗣曹王即訊因俾論公如

法公方握兵符在境上微聞有命歛手就召曹王挹公名

義備公安林取酒為壽交歡感泣手疏上列辯其寃誣委

之先偏激以自效乃略黃梅次長平遇劇賊韓霜露引滿

中股斃於萬眾之前其徒相蹂踏死者十七八投蔡山集

州取蘄州降山寇李良領蘄州刺史剖符為王加御史中

丞與元巡符之歲使臣底貢次于蘄口時希烈已屠陷大

梁遣其腹心杜少誠引勁兵絕江流公行師七千烈樹三

柵破之於黃崗少誠遁走斬騎集將許少華封其所為

萬人冢進圖安州希烈遣其甥劉介靈二唐書來援迎集

近擊於應山生得介靈與郭嵩李廷玉降七千人收戶一

萬四千人夫婦男女耕桑安堵乃督安州加御史大夫真

食百戶集作二年五月引兵攻段集隨走康叔於厲鄉

獲馬牛輜重以益軍實表偽署刺史李惠登為之刺史終

以理行聞十二年用久次就加右散騎常侍後三歲天子

以公積功勞使中貴人持命書金印即授公節度觀察使

且裂齊安為之集支郡尋詔公魚統荆洪潭三道之兵

討叛於蔡敗之於三州港營於義陽戰于申斬級千數有

詔班師就加刑部尚書進右僕射今天子嗣位拜章入覲

真授右僕射俄檢校左僕射兼右金吾衛上將軍坐細故
退為右衛將軍明年復檢校右僕射兼右衛上將軍元和
六年十二月晦寢疾薨于光福里不及懸車者二歲追賜

集作錫太子太保同盟諸侯皆使其命介來弔祠視喪事明

年夏五月庚申葬于萬年縣某原鹵簿騎吹加集作如

初公之魯王父皇太子通事舍人澄生左衛長史悅悅生

贈太子太保衡公之祖彌也積善餘裕追崇以大惟公以

武毅通文理硯席餘餘字集師心自得感槩出倫談辭如

雲起南方裨校履集作陷軍陣發若猛鷲不辭劇易急病

而益裕其才履危而不休於那悃悃忠直為中興名將以

至於授英蕩題龍泉有功列勲勞於天下脫劍薦紳從家

漢廷徵循師長文武二品啓體歸全追榮宮師豈徒然哉

公之息男十六人其冢嗣曰宥左領軍衛將軍押右神策

軍牙門之職能率義順集作訓以揚家聲初公來朝也詔宥

以侍御史領安州刺史繇二千石入筦南北軍教忠移孝

情禮盡在宥以鄙夫與太保居同里聞具以理命遺緘辱

徵其集作斯文表諸神道不敢誣也銘曰

在殷保衡負鼎而相惟唐南充推轂為將泔溪之刑嶺表

乃平蠻冰之捷漢南以清蔡兇滔天曹卽鼓行公率武旅

迅如風霆斬春安陸連下劇城集作地專地集作城建牙弘大

名噐交修威惠較著功利秉集作圭會朝脫躡師帥南宮

端右武侯緹騎沐浴休明保完富貴歲降婁兮月大呂一

氣散兮無處所鼈甲車兮馬躡封九原夕兮閔音容揭此
介石厥聲無窮

故太子少保贈尚書左僕射京兆帝府君神道碑

呂溫

山之大者匿峯巒含氣象積高無倪而不見其險孕粹有

物如集作而不知其神此其所以為大也德之全者毀圭方

黜集作點皎厲靈機密運如集作而智不驚愚遐標特立而迹

無變俗此其所以為全也然則太山高而可陟全德近而

難知我求其倫見之於少師公矣公諱某字某京兆杜陵

人其先帝堯光宅讓德儲慶建國命氏列于夏商相胄卿

族繁于漢魏代濟不殞煥焉集作為盛門大王父諱某皇朝

主客郎中某濟商三州刺史王父諱某倉部郎中太原少

尹贈秘書監烈考諱某檢校都官郎中嶺南節度行軍司

馬贈同州刺史或以瑚璉之器總施郡政或以巖廊之姿

僅及戎佐與時俱息從道而污屈不試於當年啓莫京於

身後公生而岐嶷弱而老成渾粹不散清明虛映朱絃遺

音而宮商自韻大圭不琢而符彩溢發邈矣集作是天爵爛

乎人文鼓鍾之聲日遠卿典之譽來逼釋褐太子正字與

仲弟正卿以賢良偕徵策入異等真鴻集作鴻冥雙舉當代榮

之授高陵主簿遷監察御史改殿中內供奉東都留守判

官即拜東臺殿中集作此二字侍御史叅畫惟允持繩不回河

洛之間風聲尚在德宗躬決庶政本於尚書責成曹郎綜

練材實荐出方伯時超貳鄉二十年間斯為極遷集作公

由是前後遷刑部吏部員外郎吏部郎中奏議推美彌綸

成績南宮之故事存焉于時戲後日近勲勤者衆都市情

游盡垂金組邦畿豪奪半賜丹書輕禽逸於踈網悍馬駭

於柔轡上思懲抑必假集作良能公由是前後歷奉天長

安二縣令仁護鰥惇智鈴豪右輿人之道集作詠在馬望

由實躋任以望重選曹未幾遷給事中既居駁正之司不

撓當官之論屬東南歲歉俾又惟難出為常州刺史天寶

之後中原釋耒輦越而衣漕吳而食一隅重困五紘于茲

公臨之清真結以忠恕固存集作惠寡務嗇勤分一法以

去其侵渙多方以備其灾患以逸道而使繕完允濟以與

道而取賦入先期聲聞天朝考績連最轉蘇州刺史二境

之間百里而近靈源自出殊派共清膏澤所霑異壤同潤

下車暮月報政如初如秩賜金借畱累歲無何彭沛喪師

兵驕地偏安危所繫朝論集作難之乃以公檢校秘書監

魚御史中丞賜紫金魚袋充徐泗節度行軍司馬重其威

望將委旄鉞而未命程伯徐方之軌既同不見賈生宣室

之徵遽至擢吏部侍郎倫品甄明通簡節適勢有探湯之

熱我以靜濯衆有鼓簧之喧我以心聽馴致其美闇然日

彰不求無失職之人人自以為不失職矣輟拜京兆尹德

刑交修寬猛相濟匪設鈎距物無遁情匪曜鋒鋷機無滯

斷浩穰之理不肅而成不求無不欺之吏吏自以為不能

欺矣俄改太子賓客辭劇就閑圖南之勢一息選德求舊
 居東之命惟重遷檢校工部尚書兼御史大夫充東都番
 守東都畿汝州都防禦使自盜起幽陵兵屯諸夏涉淮而
 北軍國異容分陝以東古今殊寄公講信修睦外張保釐
 之政完備訓戎內寓折衝之令矛戟不露德耀諒然遐邇
 頓首以承風強暴革心而知懼今上嗣統就加檢校吏部
 尚書方入諧僉屬毗贊大化不幸嬰疾表求退願集作優
 詔除太子少保與其休復將有後命神祇竟昧藥禱無真
集作以元和元年三月十二日薨於東都履信里之私第
 享年六十有四寵贈尚書左僕射轎車西歸制使賻服太
 常哀議謚曰某公哀榮備矣夫人河東裴氏侍中耀卿之

孫給事中臯之女德門一作鍾美淑問集作充塞薜蘿

等早落著兆叶期即以是年五月二十一日合葬千萬年

縣高平鄉少陵原禮也公孝悌天至行有餘力仁義性德

匪俟服膺不飾表以近明集作每恒縱心如集作中矩

清虛簡淡而應物不倦通曠夷易而及門無雜不尚意氣

而然諾篤志不好臧否而鑒識超倫與故相國齊江西映

穆宣州贊贊弟侍御史員為文章道義之友可以視其所

親矣今吏部郎中扶風竇羣抗迹毗陵退身進道公三揖

郡榻之上振天墀之下不數歲間蔚為重器可以視其

所與集作矣分正東郊開府辟士則有今右司郎中燉煌

段平仲倉部員外郎安定皇甫鏞禮部員外郎清河張賈

泊集作京兆尹常詞集作隴西李景儉中山衛中行平陽

路隨皆羣彥之秀出一時之高選可以觀其所任矣加以

志尚幽遠冥搜好古所居第必有松石之致退公暇日常

以圖籍自娛一字愜心金玉不顧片言同趣布褐無間疊

疊然若見道之所存陶陶然不知歲之云晏於戲策名從

事四十餘年朋友罕聞得喪之言家人莫見喜愠之色恒

懷以處推分而行無怨集作於人人亦無怨無集無猜於

物物亦無集作猜履信順以優游保福祿而終始其名教

之大雅者歟有九子長曰元質前常州義興縣尉次曰穀

前邠州司倉次曰璋鄉貢進士能修詞立誠克家致美茂

揚風訓休有令問集作其次某某等皆殊資異識登於童

齒慶善之餘也以其獲窺墻仞見託篆述究躋人之

業信而無媿申孝子之志直而不文其詞曰利建于商介

圭作寶爰立于漢緇衣改造克昌厥胤奕世載考亞尹擅

名即中懷道莫躋貴仕莫享難老蘊靈儲休以啓少保不

一作顯少保其德悖悖有綽集作遐姿曠哉靈襟顯仁山

立藏用淵沉煦如冬陽藹若春陰白圭三復克保明心黃

鍾九變莫匪和音靜專動直謙進柔克宜踐公輔以禎王

國促路頓軌中天墜翼少陵右集作原拱樹寒色窮壤可

弊唯名不失金石垂之以慰罔極

按三十四十五字 六月十九日

文苑英華卷第九百二

碑五十八

職官十 東宮
官三

太子賓客贈太子太師竇希球碑一首

贈太子詹事王同暄碑一首

太子右庶子王敬從碑一首

太子賓客贈太子太師竇希球神道碑 裴耀卿

聖上本玄元之化以身而觀國酌堯舜之道睦親而逮踈
羽儀成而正體尊肺腑寧而元首豫生人之始內教權輿
文明在運外戚先理膺上仁而踐元舅享多福而執謙光
者其惟冀靖公乎公諱希球字國珍扶風平陵人昭成皇
后之弟也昔漢文恭儉垂統於西京我族有內輔之功政

清而刑假漢章長者楊休於東國我君有少宗之佐累洽
而重熙貞觀創業也吾姑本周南之化時維太姜開元立
極也吾姊合塗山之德時維文母昌化皆在乎明主景運
必當乎太平千載相望重光四后豈比夫魏晉中朝之狹
隘陰郭微時之屬籍或悠悠於戊申緬邈於褒紀一作非
同年而語矣五代祖諱善平北將軍散騎常侍驃騎大將
軍開府儀同三司侍中使持節都督北華州刺史永富公
載於周書高祖諱榮定平東將軍驃騎大將軍開府儀同
三司洛鄭榮懷汴廣和霸秦寧成唐涓一十三州刺史秦
州行軍使左右武衛大將陳國懿公著於隋史曾祖諱抗
唐梁岐冀定幽易燕檀八州刺史遼東朔州二惣管光祿

大夫開府儀同三司左武侯大將軍納言贈司空陳國容
公祖諱誕駙馬都尉殿中國子祭酒并州惣管鎮北將軍
太常卿刑部尚書右光祿大夫贈工部尚書荊州大都督
莘國安公見太宗實錄考孝謹太常卿潤州刺史并州大
都督贈太保豳國公或道濟舟楫或功垂劔履青史之三
朝相次彤弓之四代畢封此又衣冠之上腹人門之絕等
者也公降靈辰象育粹淳源稟淵懿之姿體敦龐之度退
讓致美不忘於先疇虛玄為心一作學得之於家訓起家太
子宮門丞朝散大夫尚乘奉御換尚舍奉御開元初累遷
都水使者光祿少卿特借金紫光祿大夫將作少卿封冀
國又加銀青光祿大夫太子左諭德宗正一作非少卿剡王

十九日遇疾薨于長安布政里之賜第天子輟朝變禮事
優恒數乃下制曰申伯元舅禮實重於緣情堯典睦親義
兼在於追遠故銀青光祿大夫守太子賓客上柱國冀國
公竇希球名高懿戚位重周行在貴不驕每執謙而守約
與物無競常隱耀而含華以是全真方期永命徂遷奄及
震悼良深生而寵光已榮觀津之族歿有褒飾仍申渭陽
之贈可贈太子太師賻物二百段米粟二百石應緣喪葬
量事官供仍令京兆少尹田賓庭充使監護以某年十月
二十六日歸柩於咸陽舊原禮也嗚呼善始令終者為侯
家之貴安時處順者為達士之師日牛乎邀福之源忘義
乎持盈之地非懸解深識焉能及此昔之后族干政外家
操權穰侯之負乘王鳳之專擅苟欲憑寵不知退身時主
之芒刺生乎上國人之怨讟作乎下千載義士為之寒心
公則懲於斯誠於斯雖望重凡百恩稱一作稱尊莫二承孝理
之深化當寵光之盛時而乃閉關偃息循墻俯俛無徒羨
於當路每蕭條於執鈎清宴之間外言不入退食之暇時
人不交其異讓也如此昔之姻黨不法舅氏過制成都之
矜侈曲陽之僭奢既青璫而赤墀亦秦鍾疑作歌而鄭舞部
家駟於易道騁欲遠於老經天下之人為之騰口公又懲
於斯誠於斯雖師資藩邸羽翼龍樓富逾於百乘之家貴
極於諸侯之爵而乃居簡行儉寡欲少思出無戈釣之娛

入無羅紈之費絲竹宴衍視若塵埃池臺雕斲未嘗營起
 其素約也如此昔之倚勢為暴恃地作威武安之驕盈梁
 氏之凶蠹以豪詼而誣善以睚眦而殺人主意之益用不
 平謗書之紛然屢起四海之內為之囂囂公又懲於斯誠
 於斯雖南陵周親北闕元老室家之皇枝帝戚猶子之尚
 主嬪王而乃謙不可逾卑以自牧忘大壯於榮貴思同人
 於醜夷公私遊聚小大無忤賓御出入閭閻不知其溫良
 也如此合是庶美歸于一貫謚之為靖不亦宜哉皇上軫
 敦叙之恩流平分之施自近推於及遠經邦始於正家不
 侮於邊夷之客而况於懿戚乎不遺於小國之人而况於
 純臣乎是故悲臨於渭陽感動於陟岵陪邑於先原建封
 於費里所以教天下之為子車通轍門加兵會同不錄班
 讌見不乎名所以教天下之為甥觀乎聖慈曲被皇明深
 視舅氏榮寵折衷於人言外宗法度儀刑於士禮當此時
 也以伯舅護儲兩以肆舅儀台司以大宗率譜屬以小宗
 通調餼則官政條而家事理矣故五侯之第四姓之宗罕
 與一作誦於遵人無織羅於廷尉存則壽考沒則哀榮君
 臣交泰若茲之美開府儀同三司畢國公希瓊一作城非公之
 第三弟也親賢並茂德位齊優公嗣子無祿不及終事畢
 公執喪哀次義切天倫親率宗姻躬侍輜繡威儀則序禮
 物其容詔葬紛紜傾城縱觀台臣白首陟崇崗而北臨宰
 樹青松瞻舊城而西靡有以知冀公之令名不殞盛德歸

全畢公之至行惟殷孔懷纏慕廼俾夫具臣惟舊直質無
華者書其實錄蓋取信於金石不欺於聞見云爾叙其詞

曰

汚彼媯水福祥伊始坤道元享后族清理靖公樹德含童

濟美温良淑人疑脫四字退讓維何温良則那就閑違劇受少

辭多金玉疑作人用金人三緘其口事三緘羔羊五紕國人無忤宗親

以和北闕元舅東闈上客吾邑百乘吾門萬石深保純素

退藏虛白儀刑衣冠光我墳籍輔仁徒欺過隙難追朝野

增慕哀榮在斯賻以國錢尊為子師與言涓陽何痛如之

兆落鄴畢行臨秦鑄樹拱行秋根陳宿草歎息遺事湮沉

故老勒銘豐琕敢告神道

贈太子詹事王公神道碑

孫逖

洪範五福一曰壽三曰追好德全生養形者為壽而已非

有德而不彰履仁蹈義者為德而已非有後而不昌天生

大賢神降元吉倚福祿而登祚胤者在宿預公焉公諱同

暉字某琅琊臨沂人也其先有太子晉以啓其初謀有將

軍翦以固其玄冑有中尉吉以大其儒門有丞相導以蕃

疑作蕃其卿族自尊至公十有一代禮樂增業衣冠濟美天

下之人謂之著姓曾祖寬陳侍中祖誨之皇朝秘書郎父

知無祿早世皆先達之良也公夙遭閔凶不稟嚴訓聖善

所育孩提有成體恬淡之性資醇醲之德學無常主言不

為華踐行而隱其轍跡襲明而晦其光耀湛然以靜淵然

以然故談者無得而名焉儀鳳調露之間太夫人春秋高
矣顧及親以筮仕豈要君而擇祿繇是解褐鄧州南陽丞
六安不樂吾聞其語公則喜焉孝子之致養也秩滿授濟
州司法叅軍垂拱中寃獄起州將薛顛伏法以公坐是失
職十有餘載十年不調人以爲難公即坦然仁者之處約
也父之選授吉州司法叅軍以丁內憂哀毀過於禮幾至
不全喪服旣除哀聲未盡遂不如葷血於身矣神龍初調
補司農寺主簿時從父弟同皎選尚公主拜駙馬都尉公
以國親封宿預縣開國男食邑三百戶得而勿喜知來者
之不可却也尋坐駙馬所累調建州司倉叅軍失而無懼
如去者之不可止也洎睿宗受命亡辜開釋授公申王府
主簿尋又增秩朝散大夫於是乎見倚伏之回穴矣君
餘制攝安州都督府司馬除太子舍人轉太子中舍人歷
太子家令拜宗正少卿遷左庶子東封之歲表請歸閑制
授亳州刺史致仕凡官歷二紀將疑作時更五君險阻則遇
屯和平則之泰康強則陳力羸老則向晦命非吾奪委運
推移身非吾有與時消息動斯可效靜斯可則古之至人
謂是全德春秋八十有四開元十六年七月十二日遘疾
終於京兆安興里之私第皇上以公春華秋實之稱著于
兩宮故贈以太子詹事飾終之禮厚莫重焉有司以公天
經地義之德冠乎百行故謚之曰孝易名之典善莫大焉
公束帶於朝端然齊肅目不迂視體無懈容其從官也常

避右職其御下也務存大旨不矯舉以求是不憂務以近
名所謂建陵之長者也公雅好釋典尤邃禪門爰有別業
使營精舍懸車之後隱几于茲不出戶庭彌入真寂斯所
謂維摩之梵行也公身居顯位子至大官萬石集門伯禽
拜後而能謙約自退忠儉有恒占田必先於窮僻卜宅不
更於爽塏所謂公綽之不欲也公屬之內開魯館者二人
六姻之中降虞嬪者再世而能進不求寵退不失親遠而
不撻進而不得斯所謂山甫之保身也詩曰瑟彼柞棫民
所燎矣豈第君子神所勞矣宜王公之受茲第祿式是繁
祉享高年以有終保令聞而不已者也初父疑作公娶於安
定皇甫氏即太子舍人德叅之孫洛陽縣丞寡過之女温

惠成性微柔作則降年不永先公即寘安厝之日公為郡
掾雖班秩有等丘封尚卑而精靈所寧歲月滋久而公之
克葬禮用上卿同於舊穴是廢王命附於新塋塋未達神理
卜夢通感子孫是依魂無不之合乃非古以開元十六年
十月七日葬我孝公於偃師縣首陽山之南原夫人舊塋
之東禮也嗣子太子賓客丘懿文執時清行動俗為國大
器作人元龜不有教忠孰興于嗣不有移孝孰榮其親豐
石未琢行楸已拱敷求作者在逮門人昇闕里之堂寶難
論賦表太丘之墓多媿題銘銘曰

泱泱淮水世祚王氏於穆孝公是為端士動合元化靜符
真理以道觀身以忠教子北帝疑印阜南瞻洛川還依舊

穴更表新阡從古之制非今則然峩峩雙壟松栢生烟

太子右庶子王公神道碑

前人

昔萬石君建陵侯

二字一作慶非

皆以訥言敏行前史稱為長者

然必式路馬未免於無文常盛賜劔且疑於任職大鈞所
台粹美為難秉純德而苞備量吾見之王公矣公諱敬從
字某京兆人也其本曰魏公子信陵君之後秦人滅魏其
處者為王氏氏族之世著于關輔焉漢有河南尹尊啓鴻
軌於前載周有尚書令罷建休勲於近代罷生明遠隋司
金上士遠生壽隋州都七職主簿壽生喆皇朝同州河西
縣令喆生慶皇朝冀州棗強主簿武氏革命之後實秉楚
龔之節杜門自絕沒齒立園公棗強府君之次子也元精

之所稟和高行之所貽訓德義之所府聚文儒之所膏潤

宜其炳秀騰實蘭薰而玉振者也曩者大定中舉文擅詞

場景雲歲辟茂才異等開元初徵文藻宏麗公三對策詔

皆為甲科明試必可高明益著爾其用之吏事則岐州陳

倉主簿京兆府武功縣尉長安縣尉能理煩也施之儒術

則秘書省校書郎太常博士著作佐郎能辨惑也繇是三

入華省再登禁闈歷尚書禮部司勳員外考功郎中給事

中拜中書舍人是時也張曲江李晉公更踐中樞公與徐

安貞蒞陟孫逖繼揮宸

振

一作翰每至密命先發詔書即舍

人草創之二相討論之王言式臧天監允洽訓誥之地斯

焉得人逃於諸大夫無能為也居數歲命公御史中丞又

改太子右庶子所以穆清彞憲翼亮元儲成事正人疇與
 為言若夫軍旅之事公能兼之故信安王禕張忠敬引以
 咨度清白之業公能守之故源乾曜常抗皆有褒人之疾
 苦公能惠恤故宣撫江淮克諭中旨國之軌度公能筆削
 故判定格式允叶酬材於位詢於事若斯之飭備也而能
 褒光用晦體道安貞言寡尤行無悶一作中立寡尤獨無悶勇於為
 善而不好立名直以全誠而未嘗忤物括囊君子之德昭
 合至人之心以此持身全身保性之術也以此刑國鎮俗
 安人之具也而年不登於下壽位不極於宗公未之或知
 自昔然矣春秋六十有二以開元二十八年五月二十八
 日終于西京靜恭里之私第其年八月十八日葬于咸陽

次字皆保

洪瀆原禮也公兄曰易從故吏部侍郎弟曰擇從今京兆
 府士曹咸以文學齊名當代公始以對策高第則易從同
 科迨乎典校一作典校秘文而擇從亦作其後歷青瑣掌黃纁
 兄既先登公能繼美萼附之鱗凡今莫如則難兄難弟之
 喻也公夫人弘農縣君楊氏一子曰寡左驍衛錄事恭軍
 參楊有敬姜之德寡有曾參之行號天哭盡寧戚過毀公
 克葬之日雷兩頓歇於通衢反虞之際靈芝或生於靈寢
 神明昭愷姻族嗟稱此又孝妻孝子之誠感也兄弟妻子
 生榮死哀士則嬪儀盡在於是嗚呼昔人所重同官為僚
 然而無述豈為心盡况承兄友之深託復感其孤之至言
 宿草之墓雖云絕哭他山之石可以題銘用標京兆之阡

願此延陵之劍其詞曰

昔與兒友雙遊鳳池平生景行非我誰知政事文學唯所
設施温良恭儉不忘謙卑雅道無悔高年未極逝者如斯
人焉取則墓門何有蒼蒼荆棘天道寧論空傳令德

校正四十七字

六月十九日

文苑英華卷第九百三

文苑英華卷第九百三

碑六十一

神道十一

職官十一

王府官

邠王府長史陰府君碑一首

慶王府司馬徐堅碑一首

滕王府諮議杜寬碑一首

邠王府長史陰府君碑

張說

集無

公諱某字某武威姑臧人也昔恭王之裔別封于管有夷
吾者能霸桓公則平周辭上卿之禮適楚踐大夫之職以
地命氏授于陰城新野之涼皆為著族貴則重族二后祭
則一門四侯道則山紀神仙行則理題忠義建名崇德世
有其人公高祖湘東內史鏗梁州之子屬詞比事天下宗

理當作里

之曾祖江州刺史通道館學士顯祖朝請大夫國子博士

弘道考其官景明貽範清白纂烈列文史累善所徵及公而

盛公承禮樂之峻崑稟清明之異姿天生粹靈氣合直素

下帷專思重席擅業至人藏用有道德之卿疑君子為儒無

榮辱之境尚東郭以自逸與南容之不廢調補陳州司倉

馬一作徵其志也以為非足利時不俟終秩遂優游初服述

祖移年嘿志玄言洞心清律常手操經籍耳練宮商澹有

怡神坦無嬰慮是可忘機造化豈徒屑意公卿而已哉故

德充以外形才全以內濟委懷從運與道無名尋拜命宜

城王府公記室參軍退一隅而無悶進三府以交辟署宰長

河曲資而往口惠人無小吾所從之其至也去惡如救焚

為實如濟渴遇物風偃推心理裕平其志而異物不遷一

其誠而萬情咸括清猷美績克存餘詠飛狐之地戎馬生

郊俾公為蔚州別駕則惠化所存在勇且知方肇建天人懋

官靈器入為慶王友轉太子中允又拜國子司業邠王府

長史或舉德以進或尚閑而退不失其正達識推高其年

月日寢疾東都終於永豐第春秋七十有五惟公率心經

於義德一作檢口絕於臧否秉禮樂而視正直蘊文藻而

含清真可不謂才全而蹈道者歟位不兼濟惜也夫人范

陽縣君張氏丞相燕公之妹玄思妙德嬪風女師梁氏義

輕於前志曹門克貽於後範府君之喪紀壞將縞晝哭成

疾恐流年之易除勸累月而云逝歿而不朽者非禮節絕

倫之謂一作乎春秋若干以某年月日合葬於龍門南陵

原禮也公無子有二女咸以淑行著於通門成一作葬克

家澄感戚行路子婿吏部郎中吳興張珣度支員外郎隴西

李愔澄永懷清水冰緬託貞石庶乎時遷陵谷猶徵少女之詞

道在宗親不昧諸姑之德大人為頌俾小子序焉

問哉陰侯孝友仁信符彩外發清真內鎮吏門文宗國子

儒胤克家踵武金聲玉振結髮筮仕利用觀心雉馴風化

鹿賦文章函杖禮樂雷門紀綱微言教胄直道匡王年惟

大孝克茂精爽疾不彌留怡然長往世比過隙生猶絕嚮

疑契均范張會阻天壤通家自昔永懷厥初昏姻之故言

就我居富同攝食窮共園蔬動心規戒言成著書奪我良

矣天其喪余南望龍門東都九原萬籟酸骨十霜斷魂琴

瑟都盡墳篋半存葬收子婿碑傳外孫人生到此天道何

言

慶王府司馬徐府君碑

李華

君諱堅字某唐宰相世系表名與宗人同故以字稱東海

劍人也象德所自如山積高佐人施澤如水鍾下三代以

隆仁賢不絕至宋齊間位望益尊三公令僕常伯卿將追

贈家司隆嬪帝女南朝衣冠宗正國子博士東莞男諱文

遠有盛名於國朝東莞生王屋令士安析柝城以東人受其

賜王屋生大理卿贈越州都督諱有功社稷之衛也高宗

棄萬國太后臨朝宗室元臣以猜受釁頑一作阿指扇

成大獄海內慄慄不保其生凶殘朋黨嚼牙頓翼起于上

國延及諸夏不止於此將圖我國家三分烝人其一為血

宗社垂靈而生大理俾幹刑典扞蔽疑作蔽本朝元惡憚其

義烈人鬼衛疑作御其愷悌惟身與族隨正而行爭性命於

豺狼之口解威怒於雷霆之下大者完州郡小者活門閭

累為群兇所排一作活非於破滅神佐貞獨終以真合昔咎

繇事唐虞釋之定國當盛漢赫赫大理而丁此時功倍古

人聲動百代是之謂也君即大理之元子直溫秉庶深於

德行祖考之訓叢乎厥躬以陰宿衛調臨即疑上簿親累

故也歷懷州叅軍邵王府戶曹陝州司法清方知名朝廷

以先父之勞大理司直聞者皆垂泣而喜平端謙議

果振家風皇舅大尉希威以先大理嘗拔家寃表讓官於

君以中羨我罔極之感拜恭陵令除陳州別駕改陝州入

為岐王府司馬轉慶王府階朝議大夫襲封東莞侯開元

十六年四月二十九日終於洛陽南郊君春秋六十八不

登期願不至大官嗚呼惜哉天地之於物順也君子如之

窮達之於人命也君子安之為疑作惟君德性與是相準執

親之喪哀毀逾禮迨啓手足不貽憂於墳墓孝也守官庶

平未嘗違道干譽奉長臨下小大悉心一夫得罪則為之

損容色有可緩者忻然出之仁也惠文太子之在岐即

庸敏好學上最器念四時鍾一作終非渥澤賓客多詞人君每

引道書滿盈之誠以扶俊德忠也存孝與忠雖無位為貴

禮所謂以道得人而已况承前人之烈光被聖代之冕服

乎夫人贊皇縣君趙郡李氏北州望族左司郎中公掩一作

淹之孫杭州刺史自抱之女左司博古杭州知人訓成懿

淑光配有德後君六歲而終合祔于濟源之燕川南原龜

從筮從兆因德叶嗣子光祿少卿毅前蜀郡兵曹參軍殷

句容尉毅出言舉足不墜孝慈毅行備忠厚辭無枝葉朗

而不華直而容衆有古人之情君子之度為大理正負荷

前猷歷宰三縣牧守一郡人感懷之刊石繼起再蒞京邑

不求名聲推心而理盛德有後曷其崇高神道聰明豈曠

人欲君從父弟憚御史中丞陳晉太守河南採訪清蕪行

威所向霽一作肅大理歿而有中丞中丞歿而有光祿徐

氏之興將在左任裔乎爰族幽北與天地極是文也華無

媿詞銘曰

三命益恭慶祚猶鍾矧我大理金人門宗扞蔽皇家枝梧

群兇百族感慕大哉勲庸克生茂德山鎮泉塞卷以道風

舒為士則如何詰人終始藩國在昔偃玉仁義道興公源

而下勲德相承或西討齊河或北義延陵又有達者魯連

服膺綿綿世祀弈弈髦士晉宋齊梁名臣繼起荐躡公府

連嬪帝子東莞以隆羽儀清朝美矣哉如金如玉如翰如

翹君子踐修德音孔昭抑抑仁人宜於進退合符黃老不

儼不昧推心無方我德用大建世何居松門已諳永言孝

思光祿有之式播芳烈為將來師

文苑英華卷一百九十五

故滕王府諮議杜公神道碑

孫逖

公諱義寬字某姓杜氏東都濮陽人也其先在周者為侯
 在漢者為三公在魏者以許昌居守在晉者以荊州作鎮
 則杜氏之世祿厥惟舊哉若乃其澤雷夏其州河濟顛頊
 起焉昆吾理焉則濮陽風化所馮厚矣不有純嘏孰生大
 賢公則魏陳留郡守亮之曾孫北齊膠州刺史竟陵縣開
 國侯保唐系表之孫隋本郡中正鴈門郡守伽世系表之
 子承邁種之遺訓體清醇之上姿童而典學冠而好古於
 是東涉汶泗北登鄒嶧講周公之德觀孔氏之藝則易之
 變詩之風樂之和禮之節書之政春秋之理人一以貫之
 達其本矣繇是大業九年以孝薦高第授河東郡法曹已
 而隋氏弗綱世克竊命我太宗文武聖皇帝是以有陝東
 之師公轉餉如後羸糧從徑軍無後爨士有餘勇鄭是以
 殞唐是以典帝將策勳公乃辭賞既不獲命請從叙遷因
 授虞州司倉參軍貞觀二年改授普州安康令稍遷合州
 待疑中轉恒州別駕雍州高陵令拜朝散大夫饒州長史
 遷蘇州司馬羨滕王府諮議凡宰二邑做疑作六郡大小
 必誠遠近如一其所在也使者是聞其所去也邦人頌德
 且有羨官之拜實固太宗之屏宜享三壽以諧百工天難
 忱斯不可黷已春秋七十有二求微六年某月日終於蘇
 州某月日乃葬濮陽壘城之舊原禮也噫公之為人應變
 當理有慶卿之善畫疑作徵考祥有董生之博覽威敵附

有穰苴之大略摧剛為柔有季布之高義雖運逢版蕩而才偶經綸而或出當騁奇干賞蹈利託風雲之會邀日月之光則萬戶之封不足致也三旌之位曷云貴也而能卷其舌奉其父實居疑作若虛明若昧不貪驟雨之福以遠浮焱之害斯大雅之保身亦君子之向晦也泊天衢開泰皇運清明從官以養人而不為祿謹身以報主而不近名回翔郡邑三十餘載出處之際優游自得其古之恬勢利者歟初公之裔祖始宅帝丘時更太亂室無遺堵公因謂所親曰吾之世業為郡中正遺愛不泯陰德在人施于子孫必有興者于公高門之事可不務乎用是改卜鮮原大起層構垣墉既曼棟宇斯飛輪焉奐焉爰笑爰語及公之薨

斯事果徵一世其昌既開方國再世而大遂為相門論者以為知言矣爾其鄉黨之行閨門之德孝乃天繼仁為已任蒸嘗盡敬宴喜無荒祿利必調於外姻譙讓不行於私屬故子弟趨教州里嚮風雖有嚴刑峻法不如公之潛道也詩所謂行歸於周萬人所望有令名矣夫令德矣夫有四子長曰儉早世次無忝終於朝散大夫梓州益亭令次曰慎行終於益州長史建平縣開國男贈蜀州刺史次曰惟志二在唐書承志終於吏部員外郎贈吏部咸以大名克紹前烈豐碑未樹梁木先摧孝孫戶部尚書暹國之故相也儉德為輔正身立朝以伯夷之直清蕪張仲之孝友是用祗率理命奉揚祖風作頌稱代刊石表墓晉侯大父已傳班

固之書陳氏先生何愧蔡邕之述詞曰
昔公之先於周為祖及公之胤於唐為輔一德貽孫千齡
續祖身隔徂謝名存憲矩在濮之陽居河之許昞昞原際
濟濟榛楛別業年深先茔地古豐碑頌德式是東土

校四三十一字

六月十九日

文苑英華卷第九百三

文苑英華卷第九百四

碑六十一

神道碑

職官十二 諸將

周大將軍崔說神道碑一首

周大將軍司馬裔碑一百

周大將軍崔說

周書神道碑

庾信

公諱說字某博陵郡安平縣人也昔者華陽之野降龍首
之神烈山之都啓龜文之繇匡周則盟津有會佐夏則龍
門始鑿西遊則起家秦相東入則載世齊卿備乎史籍可

得言矣祖辨中軍將軍

魏書北史並作安南將軍

定州刺史父楷鎮北

將軍司馬

魏書周書北史並作驃騎將軍開府儀同三司

烈侯並屬風霜俱張鋒

穎卽史疊迹官曹凜然是謂鮑恢都官百城振懼葛豐握

節京師欽手公特稟英靈偏鍾山岳雄姿俊茂眉目踈朗

觀虎於檻鬪髮不驚稱象於船勝衣能對至於拉虎羈一作

行熊摧班碎掌忘歸繁弱落鴈吟後故得氣蓋關中威申

河外解榻領軍府錄事轉諮議叅軍時當塗失御政在權

門始論函谷之兵即起韓陵之戰太師賀拔勝作牧西荆

公為假節冠軍將軍防城都督夫疑作南陽失守卷甲奔

梁樂毅羈旅猶思燕路陳軫愴悽終戀秦聲幸值和隣言

歸舊國授衛將軍都督封安昌縣開國子食邑三百戶弘

農尅復沙苑揮鋒進爵為侯增邑各前一千一百戶信珪

則更受司勳毅壁則還輪典瑞鐵馬有河橋之戰戈船有

汾水之兵除京兆太守移民下邑未學邊韶走馬章臺不

同張敞選帥都督持節撫軍通直散騎常侍大都督尋遠

使持節車騎大將軍儀同三司都官尚書定州大中正五

曹奏事有朱穆之忠九品論人見楊喬之直改封安國縣

侯益邑合前一千四百戶賜姓字字文改名為說漢王改婁

敬之族事重論都魏后變程昱之名恩深捧日遷車周書

北史驃騎大將軍開府儀同三司加侍中竇憲連官單于之寶

鼎可致張寬固位渭橋之流星可識司木七工既掌丘陵

之賦司會六典乃均邦政之木居官得人於斯為盛進爵

為公改封萬年縣通前二千四百戶除隴州刺史都督隴

州諸軍事隴坻路遙秦川望遠鄧仲華之不去馬文淵之

願歸尋除涼州刺史總督河西甘瓜諸軍事地似伏龍城

如飛鳥燉煌實錄宛在曾襟玉門亭障無勞圖畫有馬如

羊不以入厩有金如粟不以入懷柱國齊王今上之介第

龔行薄伐問罪河陽以公為行軍長史參謀帷幄中軍之

司既舉魏絳上鄉之佐實用荀林以公方之差無慙德周書

有軍還除使持節大將軍大都督崇德安義建忠九曲安

樂三泉伏流周張平泉固安蠻通谷凡十三防禦熊和中

周書如此按隋地理志陸渾口和州新安置中懷今北史

志後周時宜陽口熊作能和中未詳英華作天和中非

三州黃蘆起谷王晏供超牽羊温狐交河大嶺避雨木柵

寺一十戌諸軍崇德防土宜陽上地更有秦兵熊耳山前

還逢積伏用是連營函谷獵騎黎陽威振兩河名陵三晉

改封安平縣公淮陰一國韓信之故人戶牖萬家陳平之

公里公此衣錦足為連類建德四年正月十日薨於長安

之末貴里私第春秋六十有四詔贈敷周書作延州綏伯

周書五州諸軍事敷州刺史謚曰莊公禮也即以其年二

月二十四日葬于京兆平原鄉之吉遷里北陵追遠大司

馬有賜綬之恩西京贈行冠軍侯有詔葬之禮嗚呼哀哉

世子儀同衍生事以禮死葬以禮愛親有王祥之孝同氣

有姜肱之睦百行之本於斯備焉况復於積深沉既封青

石之墓丘陵標榜須勒黃金之碑乃為銘曰

華陽之神厲山之祖鳳野匡周龍門佐禹日浴溟池山浮

海浦甫穆霸國營丘樂土胤斯宗邑承此壤王移封東武

就君安陽中軍節度鎮北芒鋒商飈獵草電火驅霜公之

輪煥繼體貞幹儀表丘墟風神墻岸孝有至德忠能臣贊
不廢橫琴無妨歌案既班三事又貳六官衛青受詔韓信
登壇長城馬窟廣武兵欄軍吏無犯營民不寒乃用六謀
乃論三策城壘向背星辰主客劔起沉犀弓開仗石楚后
讓盟秦君還璧百齡危脆千仞摧藏諸侯地裂邊將星亡
輕車騎士玄甲黃腸杜如齊地廟似桐鄉銘功贊德碑闕
相望

周大將軍司馬裔碑

前人

公諱裔字遵胤河內溫人也昔顓頊之命始則南正司天
重黎之後又以羲和掌曆夏陽適晉得隨會而同奔東海
避秦與毛公而俱隱其後金行受命玉筭南遷帝系極於
黃圖中朝至于江表魯祖楚之晉太傅錄尚書揚州牧會
稽文孝王之次子元顓之幼弟也元顓見害之後桓玄篡
逆之初爰自齟齬客身屠釣河內道左抱劔長號代郡城
前慟悲靈祭江淮志節之士汝穎風塵之客感激一言咸
多依附既而雲生伏龍星出鯨魚太白經天蚩尤映野公
乃收合餘燼泣血登碑臨武牢之關據成臯之坂擁衆萬
家歸于魏室魏明元皇帝遙授平南大將軍荊州刺史襲
封瑯琊郡王尚河內公主命王承制從賓國之儀于時宋
兵憑凌旗鼓侵逼虎牢不封金墉無援魏太武皇帝授王
使持節侍中安南大將軍開府儀同三司給前後部鼓吹
元城啓行志雪冤耻登壇慷慨三軍掩泣黃河漕粟已出

石門仕馬連旗將臨野坂既而雲中旂起代郡烽燃反旆
 南轅途窮北略贈征西大將軍都督梁益秦寧荆交青豫
 郢洛十州諸軍事揚州牧司徒謚貞王祖金龍封瑯琊鎮
 西大將軍儀同三司吏部尚書贈司空謚康王父悅鎮南
 將軍豫州刺史漁陽莊侯周書比史並作子以荆河刺舉時值亂
 離釁起蕭牆遂終非命公遺腹載誕流離寇逆復壁極負
 深山擁樹程嬰之匿趙武從役家臣王成之藏李燮為傭
 酒市遭大夫人憂苦草墳坐以終灰燼形骸毀瘠逾於喪
 禮年十有五始幹家事楹前鑿柱即取遺書石上開松仍
 求故劍出身司徒府參軍除中堅將軍員外散騎常侍值
 魏室多難所在降起五津以北無復封畿高山已南即為

欽綱公建議脩武立柵温城函谷西封河橋北斷長亭築
 馬並入武城百里祖車咸輸温縣太祖文帝締構關都經
 綸夷阻招携以禮懷遠以德馬文淵之擇主去隴坻而歸
 身竇周公之入朝在河西而奉詔大統七年蒙授平東將
 軍北徐州刺史十年河内故義四千餘家願立忠誠須公
 衣錦乃授使持節領河内太守加前將軍懷州拓境兩鎮
 奔波柳泉轉戰三城授首十三周書比史並作五年太祖召山東
 諸立義之將能率衆入關者有加重賞公率先而至領戶
 千室即以為封固辭不受其菽粟之賜或以指困馬牛之
 賞將同量谷朝廷以華陽而極漢水東流歎孟遠之奔兵
 旌劉封之失策魏前元年移鎮漢中除白馬城主領華陽

郡守者昔稱導漢今聞上瀟烟沉冰井兩歇雲門其年授
大都督加散騎常侍柱國蜀國公開今牛之道通牧馬之
關公卷甲北塞懸軍束馬遂得策預葭萌勳參綿竹封龍
門縣開國子蒲州刺史仍領新州尋授使持節車騎大將
軍儀同三司大中正隆周授圖天保大定以公才望仍為
舊臣遂乃義深追遠恩隆繼絕即改封瑯琊縣公邑五百
戶仍遷驃騎大將軍開府儀同三司都督巴州諸軍事巴
州刺史武成二年被勅赴援信州魚復道阻屢却岑彭荆
門水急幾沉吳漢公乃月峽先登瞿唐直上天子以公操
履忠勤儀刑亮直乃徵為大御伯尋轉大御正邑一千一
百戶樞機近侍出納絲言所謂多識舊章殿中無雙者矣

四年大將軍東討公所領義衆先守枳關授都督懷州諸
軍事懷州刺史偃師張慕河陽牧馬雖接戰於富平已連
營於官渡五年詔追還拜始州刺史更封信州賊山彰尋
竇渝恃險峽路五尺絙釣絲通縣水三門橋飛濟渡既而
風行草偃谷靜山空前後平十一城獲九千餘口馬歸平
樂金輸人衡天保二年除信州刺史都督信州諸軍事朝
發白帝暮宿江陵氣振巴丘之兵威警建平之戍五年遷
潼州刺史益州柱國公隆帝子之重鎮天井之星延閣擬
於叢臺岷山方於代郡公仰稟雄謀參謀遠略故得身預
舞陽之功位極長平之寵六年授使持節大將軍大都督
西寧州諸軍事西寧州刺史方欲關沫若徼犍犍見夜即

之候習昆彌之戰而飛鳶墮水馬援去而無歸金馬騁光
 王褒行而不反嗚呼哀哉七年正月十日薨春秋六十有
 五詔贈使持節大將軍懷邠汾晉四州諸軍事懷州刺史
 夫人襄城公主魏獻帝之曾孫趙穆王季女王姬肅恭榆
 翟禮典四教競一作莊三星令淑有光隆慮之賢足表平
 陽之盛生則從夫以秩死則同穴以禮建德元年八月十
 二日合葬於武公功三時原大夫墓樹以栢諸侯墳高於雉
 于嗟滕公來居此里詔謚定公禮也公資忠履孝蘊義懷
 仁直幹千尋澄波萬頃逢蒙射法力牧兵書星辰高下之
 占風雨逢迎之氣故得師出以律天幸將軍者也至如官
 曹案牘未常煩塵戎馬交馳不妨餘裕足使四岳彌峻三
 台更明在朝四十一年身經一百餘戰凡任四郡歷八州
 未嘗以貨殖經懷去如始至謂南千畝之竹更懼盈菹池
 陽二頃之田常思止足身歿之日家無餘財素車白馬狹
 室嗚呼黃腸玄甲堦庭仄陋有詔冬官為營寢室宋邑祭
 醑無所漢后是以賜金陳表妻子露立吳王為之開館嗚
 呼哀哉世子侃孝家忠國揚忠顯親是以勒此豐碑懼從
 陵谷殖之松栢不忍凋枯銘曰

欽若曆象平殺實賓少梁奔華地入咸秦族夷興馬書窮
 獲麟玉鏡云始金行乃構象浦通關龍沙開候上糝石起
 河陽水關五馬南浮三星東宿大傳作牧奄有江沔司徒
 避辭承制荆河南勞推較猶思枕戈龍被野蒼哭交波

莊侯季年禍機相接誕公遺嗣崎嶇懷挾山竄趙武家藏
李燮伍員道阻燕丹路遙南奔楚塞北避秦橋水流登隴
寒風度遼有功都護則重嫖姚懷書上馬習禮從戎陣圖
六甲兵占八風藏松寶劍射柳瑠弓推誠賈復屈節廉公
八翼頻飛六循疑作亟秉勇此仁義行茲寬猛持印山開
沉黎盜靜取甲無丘均田不井懋功賜爵上將賞官軍中
受詔塞外登壇方屠叅合更鑿臯蘭渝川毒水燹道灾氛
地亡都尉灘悲使君谷寒無日山空足雲北風吹旄秋霖
泣軍遺奠雙設銘旌旌兩布沁水同墳平陽合墓悲哀嗣子
攀號靡訴慟甚風枝悲深霜露自此何世從斯幾年麒麟
欲闢華表中燃地形樓起松心蓋圓茫茫丘壠代代英賢

校四四十八字

六月十九日

又苑英華卷第九百四

文苑英華卷第九百五

碑六十二神道二

職官十三諸將軍二

周柱國大將軍拓拔儉碑一首

周柱國大將軍紇干弘碑一首

周柱國大將軍大都督同州刺史余綿末碑一首

周柱國大將軍拓拔儉神道碑 庾信

蓋聞放勛立而義和昇重華登而元凱用思皇多士既成

西伯之功俊德克明乃定南巢之伐是知惟賢非后弗食

惟后非賢弗又若夫君臣一德啓心沃心見之昌寧文公

矣公諱儉字慶明周書北史並作儉本名慶名明恒州高陸人也北岳天

孫之星燕河帝子之國故多奇節甚茂華風高闕圖南二

王齊軫長城拔本十族分源高祖太尉比平王光輔五君

允釐百揆恒衛既從淮沂其又祖豹龍驤將軍恒州刺史

常山刺舉非無取代之符龍驤惣戎或似平吳之號父鹹

北史年止弱冠榮終解印公以五常蘊智六氣資德乘天

則策馬秉靈降神則牽狼應象直心於物水火恬然無負

於天雷霆不懼富貴自取豈資唐華疑作舉之言聲名有聞

無勞李膺之識年十八解褐員外散騎侍郎尋授輕車將

軍羽林監太祖文皇帝駕馭天綱苞羅英傑選公才德光

佐中書諸葛亮之西歸玉壘成三分之業管夷吾之入仕

葵丘有一匡之功天水黠羌漁陽群盜乃遷秦州刺史長

史防城大都督封信都縣開國伯三年滑州蟻聚保鄣沉

命摩維亂輒乘冰渡河丞相大行臺授假節撫軍行滑州

刺史大統元年授持節東夏州刺史加散騎常侍印支抱

馬如聞耿秉之戰單于願識似畏王商之威五年遷使持

節鎮東將軍都督東北西三夏州諸軍事西夏州刺史增邑

千戶改伯為公既而江漢遼遠車書寂寞蜀主的顛未出

檀溪之水秦王飛雉猶向南陽之城六年以公為使持節

都督三荆二襄南雍平信江隨郢浙一十二州諸軍事荆

州刺史東南道行臺僕射楚城隣境實有讓田吳人對營

無妨贈藥部內屬城為人所訟公遂集文武肉袒自罰兄

弟不讓延壽責躬吏民有過翁歸引咎天子異之重書勞

問贈賄加幣王人接踵大丞相書云此之美事耳目之所

未經歎尚無極故遺疑作專使公善於撫馭長於接引山

藪無棄苞苴不行示人赤心與人顏色盜不敢發民不忍

欺至是將校耆老於州城之南起清政之樓北史作清德樓勒賢

臣之頌杜鎮南之作牧當世樹碑竇車騎之臨戎生年刻

石方之今日彼獨何人于時戶口日增荒萊畢墾華實紛

敷黔黎茂豫但恐衮職有闕待公而補鼎鼐未和須公而

正是以漢民陰望荆南祀梓並皆上書詣闕連名乞晉河

內之借寇恂更慙謁帝交州之請士燮還著上表九年授

車騎大將軍儀同三司十二年除大行臺尚書仍為大丞

相司馬以公識度嚴明志節清儉遂改公名儉字慶明非

關書月詎待看碑幸得千載不同三山無廢十三年加開

將軍除官如故十四年除尚書右僕射加侍中進驃騎大將

軍居上星執法在文昌之位以公才望兼而有之十五年

更除東南道行臺僕射都督十五州諸軍事行荊州事十

六年大丞相總十六軍剋清河洛公又中分麾下不參謀帷

幄高選霸僚公為長史其年加都督南道三十六州諸軍

事餘官如故南陽文學更遇王基章華衮衣還迎郭賀昔

日伐蜀之謀張儀與秦昭計合平吳之利羊祐與晉武意

同太祖始定成都即有江陵之志公密獻其策懸符深占

糧運久積梯衝立備一戰而舉鄢郢再戰而燒夷陵遂得

席卷三荆此又公之勲也詔賞奴殫三百口太祖與公書

云由公立計果何所謀公頃疑作自鎮江陵以安蜀地後

魏二年改武川昌寧郡開國公歷陽居民非唯景冊之封
曲逆戶口豈但陳平之國其年授大將軍太和之中曹真
於府內受冊元封之未衛青於軍中即拜公之此比綽有
餘榮詔曰吳人未復須助謀謨今使梁王兵馬受公節度
三年加都督東南道五十三州諸軍事增邑萬戶維周革
命光宅欽明作貳大官允諧邦治元年授小冢宰保定二
年治蒲州刺史檢校六防諸軍事四年治襄州仍授柱國
大將軍餘官如故秩登四岳階平六府豈不功重昭陽名
高蔡賜控馭五十州風行數千里拔園葵而去織婦無三
惑而絕四知一室之中未免虛白日膳之資三杯而已詔
乃賜繒絲一千段粟麥二千斛天和元年陝州刺史都督
八州二十防諸軍事解荊州總管餘悉如故路出王宮城
臨河曲戍清陝右高視棠陰部領宴煩晦明爲疾天和四
年謝病故京薨于私第春秋七十有八鑿蹕降臨軒懸輟
樂九旒龍旂之錫三河騎士之送詔贈太保涼夏靈銀長
原河割其瓜十州諸軍事涼州刺史謚曰文公狀貌丘墟
風神磊落玉山秀立喬松直上烟霞之涯際莫尋江海之
波瀾不測少遭荼苦在山服終攀栢樹枯侵松獸死盡忠
事國竭力從政其門如市其心若水竒策密謀且僚仰止
忠貞亮直明主敬焉至如風后陰陽之占力牧星辰之度
魏公子之兵書李將軍之射法莫不成誦在心取爲特用
居常服翫或以布被松林盤案之間不過桑杯石鼎遺令

山陵一無所用公私贈綵竝不得受止依太祖陵側無忘
 事君墩墩等兄弟並至性善居喪號墓墳墓堦奉遵遺訓是以
 衛青之塚仍陪漢武之陵管仲之墳即接齊桓之墓天和
 六年天子以四海未寧三方鼎峙有懷將帥之志言念封
 疆之臣既畫雲臺乃題麟閣更贈公為鄆國公邑五千戶
 追崇列碑事極神魂再改銘旌恩隆封墓公在民番愛身
 後見思吉日良辰郊祠野祭儀同趙迺等六百九十七人
 表末立廟陳請象魏有詔許焉桂棟杏梁綠墀青瑣按歌
 會舞鳳盖霓電裳南浦送而行雲東風颺而零雨是知漢陽
 郡前非徒武侯之廟臨淄城下豈獨樂公之杜社嗚呼哀哉

乃為銘曰

道鍾屯剝世屬雲雷地軸左轉天關北開客車周室繫焉
 秦臺乃齊七政爰答三才烈祖燮諧九龔二字梁棟取才
 逢獵求賢入夢丘贊官雲謀猷絕疑作鳳律定公族珪分
 職貢乃惟嗣德定秉英靈身圖斗宿面繞樞星青衿敬業
 童子離經信陵虛右于木分庭忠孝純深樞機周密孔光
 不言曹叅勿失温席扇枕承顏悅膝凍浦魚驚寒林笋出
 肅肅風政沉沉器局直似貞筠温如瑞玉清不置水明非
 舉燭馬願如羊金湏似粟上將克昇元戎既序夏陽三捷
 夷陵一舉憑軾下齊凌江入楚昂反歷室鍾歸大呂六卿
 咸事天官是司二南作伯棠陰實治清風有頌綠竹聞詩
 贈行之冊超然帝師昔侍蘭苑今陪杏林死生契闊無違

一 心風雲積慘山障連陰陵田野寂松逕寒深夏嬰之隴
橋玄之墓馬見千年車回三步左無長樂前非武庫直望
高碑增悲行路

周柱國大將軍紇于弘神道碑 前人

公諱弘字廣略原州長城縣人也本姓田氏虞賓在位基
於揖讓之風鳳凰于飛紹於親賢之國論其繼世之功則
狄城有廟序其移家之治則長陵有碑况復高廟上書小
車而對漢王聊城祭鳥長岳疑而驅燕將公以胎教之月
歲德在寅載誕之辰星精出昴昴是以月中生樹童子知言
水上浮瓜青衿不戲而受書黃石意在王者之圖掉劍白
猿心存霸國之用魏末安中任子都督翻原州城受隴而

王節度于時洛邑亂離當塗危逼禮樂征伐不出於天子
舉賢誅暴實在於強臣太祖文皇帝始創霸功初勤王室
秣馬蒐乘誓衆太原公伏劍轅門粗謀當世隨何遠至實
釋漢帝之憂許攸一作攸夜來即定曹王之業末熙中奉迎
魏武帝入關封鶉陰縣開國子邑五百戶太祖以自着鐵
甲賜公云天下若定還將此甲示寡人白水良劍罷朝而
贈陳寵青驪善馬軍廻而賜李忠竝經輿服足爲連類大
統三年轉帥都督進爵爲公十四年授使持節都督原州
諸軍事原州刺史仙人重返更入桂陽之城龍種復歸還
尋白沙之路公此衣錦鄉里榮之侍從太祖戰河橋復弘
農解華山圖平沙苑陣必有元勳常蒙別賞太祖在同州

文武並集號令云人人如紇干弘盡心天下豈不早定即

授陣騎大將軍儀同三司前魏元年轉驃騎大將軍開府

祈連猶遠即受冠軍之沙幕未開元置長平之府梁信州

刺史蕭詔寧州刺史譙淹等猶處末安稱兵漁陽二字公疑

受命中軍流下瀨遂得朝發白帝暮宿江陵猿嘯不驚鷄

鳴即西平反羌本有漁陽之勇鳳州叛氏又習仇池之氣

公推鋒直上白刃交前萬死一決凶徒多潰身被一百餘

箭傷肉破骨者九瘡馬被十槩露布甲上朝廷壯焉糾糾

葛屢魏有去舊之歌零露漙漙周受惟新之命乃進爵封

鴈門郡公食邑通前二千七百戶保定元年授使持節都

督岷州諸軍事岷州刺史隴頭流水延望秦關川上嶺

猶通蜀道公不發私書不燃官燭獸則相負渡江蟲則相

銜出境四年拜大將軍餘官如故衛青受詔未入玉門之

關竇憲當官猶在燕山之下公之此授差無慙德渾王叛

換梗我西疆巖羌首竄藩籬携貳公受服於社偏師遠襲

揚於龍澗繫馬甘松二十五王靡旗亂轍七十六柵鴟奔

雉窟既蒙用命之賞乃奉旋師之樂天和二年被使南征

帶甲百萬軸艦千里江源水起海若乘流舡官之城登巢

懸嬰吳兵習流長驅戰艦風灰箭火倏忽凌城公以白羽

麾軍朱絲度水七十餘日始得解衣朝廷以晉尅夏陽先

通滅虢之政秦開武遂始問吞韓之謀是以馳傳追公以

為仁壽城主齊將段孝先斛律明月出軍定隴以為宜陽

之接公背洛水而面熊山陣中軍而踈行首乘機一戰宜
陽衝壁增封五百戶進柱國大將軍司勳之冊也建德元
年拜大司空二年遷少保姬朝三列少保為前疑疑炎正五
官冬官為北北頻頻寵命是謂能賢三年授使持節都督襄
郢昌豐唐蔡六州諸軍事襄州刺史江漢之間不驚鷄犬
樊襄之下更多冠蓋既而三湘遼遠時遭鵬入五溪旱濕
或見鳶飛舊疾增加薨于州鎮天子畫凌烟之閣言念舊
臣出平樂之宮實思賢傳有詔贈某官禮也即以四年四
月二十五日歸葬于原州高平之鎮山屬國亥甲輕車介
士一依霍驃騎之禮衛將軍之葬嗚呼盛哉公入仕四十
五年身經一百六六戰通中陷刃疾甚曹叅刮骨傳藥事多
關羽而風神果勇儀表沉雄事親無隱無犯學不專經累
觀書籍兵無師古自得縱橫青烏甲乙之古古白馬星辰之
變九宮推步三門伏起天弧射法太乙營圖並皆成誦在
心若指諸掌虜青犢之兵甚有秘計燒烏巢之米本無遺
策面零賊退屈指可知南郡兵迴插標而待常願執金鼓
而問吳王橫琯戈而返齊地有志不就忠貞死焉世子恭
等孝惟純深居喪過禮對其苦寢則梓樹寒生聞其悲泣
則巢禽夜下嗚呼哀哉乃為銘曰

天齊水合日觀山連兵強東楚地遠開燕五卿咸正三王
並賢靈龍更起燧象還燃自天之德乃祖乃父維岳降神
生申及甫北門梁棟而州雲雨勇龔燕城名題漢柱公始

青衿風神世載猛獸不驚家禽能對劍學千門書觀六代
有竭忠真無違敬愛乃數軍實乃握兵謀澆沙成壘聚石
成圖風雲順逆營陣孤虛靈雨鉦鳴燿火飛狐淮陰受冊
車騎登壇公為上將有此同官下江燒楚上地吞韓推功
玉案定策珠盤天有三塔公承其命國有六卿公從其政
台曜借輝槐庭重暎匡贊七德謨猷八柄腹滿精神心開
明鏡伏波受賑樓船推轂東道未從南征不復飲冊有井
澆泉無菊功存柳林身在楠木移茵及葬提柩山行芻靈
隴水哀挽長城山如北邙樹似東平松門石起碑字金生
眇眇山河熒熒胤子泣血徒步奔波千里孝水先枯悲雲
即起世數存殁哀榮終始

周柱國大將軍大都督同州刺史余綿姓氏書後為綿氏

永神道碑

前人

公諱永字永賓東燕遼東郡石城縣零泉里人也本姓段
昔者昌意陵居初分若水之姓其叔出奔始有京城之族
西河居處士蕃魏而却秦北岳將軍威胡而奉晉其後居於
北代則先封遼水備乎史籍可畧而言祖拔接鎮西將軍馮
翊太守父儒平東將軍持節恒燕朔三州諸軍事恒州刺
史公年裁弱冠即值亂離驅馳關塞之間早有縱橫之志
軍陣方圓無勞聚米山川形勢不待披圖魏正光五年入
仕解褐殿中將軍孝昌三年加龍驤將軍永安二年授平
東將軍都督中塹建義勲謀是先蒙賞倉泉縣開國男食

邑一百戶其年淮淝侵軼南鄙徵公兵受賑偏師一月三捷昔張遼奄至有闕文

合淝橋沃陽

縣開國伯倉邑五百戶進爵為侯末熙元年授使持節車

騎大將軍左光祿魏武帝特召入任閣內大都督馬武小

心侍蕭王於臥內典常忠壯陪魏后於宮中于時賊帥元

伯破掠城市西自潼函東綿鞏洛京畿大都督請馬七千

公曰此賊無他策尋自鳥散止請五百騎應手生擒朝廷

賞其謀策百姓喜其除害既而喪亂弘多生民版蕩葉輿

西幸宗社北遷公妙識玄象深知歷數乃與昆弟謀為自

全斬西中城主本傳作西郎將送首關內蒙賞平昌本傳作昌平縣開

國子食邑三百戶大統元年授使持節都督北徐州刺史

平寶軍本傳作寶泰復弘農戰沙苑河橋公並預先疑城身嘗

鋒首謨猷應變備在司勳增邑八百戶通前合二千戶進

爵為沃陽縣開國公授南汾州諸軍事南汾州刺史十四

年增邑三百戶轉大都督其年授車騎大將軍儀同三司

加散騎常侍十六年授驃騎大將軍開府加侍中尋授恒

州諸軍事恒州刺史又遷雲州刺史昔軒丘分族異姓者

十四人鄴邑建侯宗盟者四十國太祖文帝席卷關河三

分天下潁川從我並有鄉里之親新豐故人非無布衣之

舊更立九十九姓還存十六國舊胃還姓余綿增邑一千

進爵為廣州城郡開國公尋授文州諸軍事文州刺史國

家以玉門西拒久勞亭鄆陽關北牧多事風塵武城二年

有詔進公都督瓜州諸軍事瓜州刺史是以名馳梓嶺聲

振榆關無雷畏威負霜懷惠保定二年還朝授工部大夫

尋遷軍司馬夏官司武待白露而治兵冬官考工紀玄雲

而授授艦四年增邑三百戶通前合三千九百戶其年授使

持節大將軍都督治左八軍總管軍事落食朝登上將暮

會小卒事涉交接觀豐而返天和二本傳作四年以本官領小

司寇三度疑有星名天獄八卦有坎象刑書公繁不秋茶

嚴無夏日民知約法未肯以獄吏為尊吏識刑名無敢以

死灰相懼又任左廂第三軍總管仍被勅將兵馬北道教

習韓信入關即申軍令陳農受詔仍校兵書豈若六郡良

家五營騎士懸知正正之旗遙識亭亭之氣象犯霜露旗

鼓驅馳俄而遣疾疹至大漸五年六月十六日薨於

城春秋六十有八將軍死綏二十軍行哭都護喪還緣邊追

祭九月二十三日靈柩至于京師皇帝臨喪百寮赴弔詔

遣使持節車騎大將軍儀同三司賀拔軌監護喪事又遣

使持節車騎大將軍儀同三司統豆陵亮冊贈使持節柱

國大將軍同華宜敷冊冊五州諸軍事同州刺史謚曰基公

其年十一月五日葬于京城南高陽原高司里夫人赫連

氏交州刺史悅之女年十四適余綿氏冊拜魯城縣君遷

濟陰郡君又遷廣城國夫人肅恭令淑儀範賢才四德有

耀三星增輝三公夫人見於斯矣建德元年十二月亡春

秋五十有八二年正月歸於高司之塋劉荊州之墓合葬

文苑英華 卷之五 余注

於襄水之陽衛將軍之陵同穴於廬山之下嗚呼哀哉世
子安使持節儀同大將軍領兵部大夫純孝事親忠貞事
國禮義自立聲名有焉銘曰

軒臺受氏若水降居西城仲胤北陸寘餘山川雄烈風俗
扶疎昔我關塞汭襲干戈時遭拔本世值橫波北封代郡
東據遼河地未平一天猶薦瘥我父疑作公重光繼文踵武

總牧三蕃兼治六輔雅俗觀風都亭待雨不逢問吏無閭
桴鼓公以載世挺此令聞孝有三德忠惟一君馬陵釋患
聊城解紛兵防滿月戰避迎雲長松都尉細柳將軍旣牧
淮海且蕃恒代高壁負關長亭穿塞豐鼓司盟吏不能欺
兵無敢背玉關遺矩汾海雷愛大將疊受冊公昇其壇六

卿咸事公貳其官夷陵燒楚上黨分韓營軍叅合校戰羣
蘭年深厲起福禍災生上台裂岳次將星傾赤地悲淚白
虎哀鳴懸弓靈幕繫馬塞垆煙凝不動泉凍無聲天子愴
然追於贈謚禮官賜冊陪陵受地印綬曰策衣衾曰祿玄
窆就列黃腸在位有此何世從斯幾春樹為楹擬標社
陵成谷神詎知雲閣名在功臣

校三九十四字

六月十九日

今日以盛暑不出竟校完五卷暮雨微洒煩熯亦解矣

文苑英華

卷之九

十一

七

文苑英華卷之九

